

畿

輔

安

瀾

志

畿輔安瀾志

臣王履泰恭纂

大陸澤卷下

附載

九龍潭在沙河縣西八十五里之赫山

沙河縣志在磬口山之西遶磬口山後乃陟其顛
中藏一谷循級而下龍湫在焉山上澗中有小潭
九殆所謂九龍潭也

漆泉在沙河縣西七十里之廣陽山泉水深黑泉左建有漆泉祠

任水南和任縣皆有之今涸

金史地理志南和有任水任縣有任水 太平寰

宇記任水在任縣東南二十里從南和縣界流入

柳河卽漳水也在平鄉縣境 括地志項羽軍處

卽濁漳水今俗名柳河在邢州平鄉縣南

小漳河平鄉廣宗鉅鹿皆有之今涸

方輿紀要鉅鹿縣東漳水有大小二河亦謂之新舊二河自平鄉縣東北流入縣境與廣宗縣接界又北注于大陸澤

鹹泉在鉅鹿縣境

太平宇寰記廣阿澤鉅鹿縣西北五里澤畔又有鹹泉煮而成鹹百姓資之

謹案今鉅鹿縣西北有南鹽池二村舊有池民用煎鹽官筴旣行久經禁絕池亦不可考

老僧泉在唐山縣東向村舊有老僧橋跨泉上今爲
泚水衝沒東流入隆平縣界居民引以溉田

礪水一名渚水在內邱縣境

〔太平寰宇記〕在縣西北十三里源出攬山其水可
以礪刀劍 〔金史地理志〕內邱縣有渚水 〔明統
志〕礪水一名渚水

〔謹案〕漢書地理志常山郡中邱縣蓬山長谷諸水
所出東至張邑入濁說文渚水在常山中邱蓬山

東入潁以說文証漢書則諸者渚字之訛濁者潁
字之訛南北監本漢書以形近而誤耳寰宇記任
縣本漢張縣地張城一名渚陽城在縣西南二十
七里晉將王浚遣就六眷部衆討石勒屯于渚陽
卽此方輿紀要謂城在澤渚之陽故曰渚陽殆臆
說也今其水不可考

程家灣

畿輔通志在內邱縣西南三十五里以近程子華

墓故名 內邱縣志程子岡在縣西南三十里有
程本字子華墓今其水久涸

謹案程子華名本孔子之郊遭程子于塗傾蓋而
望事見家語及韓詩外傳今郊城縣有傾蓋亭卽
其處也王肅註家語不言其爲何國人外傳謂遭
齊程本于郊之間殆齊人也內邱縣志乃作趙人
明代人又作程本傳謂是程嬰之孫皆不知出何
書志謂程子岡有程本墓程家于此他書亦無可

考殊不足信

洗腸洲

二統志在內邱縣十三里相傳佛圖澄洗腸于此
謹案晉書藝術傳佛圖澄腹旁有一孔常以絮塞
之又嘗齋時平旦至流水側從孔中引出五臟六
腑洗之未嘗詳其洗腸在何處也一統志本明統
志言之明統志未知何據

潦水

山海經北山經又北百二十里曰敦與之山淥水
出于其陽而東流注于泰陸之水 金史地理志
任縣有淥水 太平寰宇記淥水在任縣西一十
五里從龍岡縣界北流入

隄防

牛尾河隄在雞澤縣西一里

雞澤縣志沙河隄今爲牛尾河隄高一丈濶一丈
長三十二里明嘉靖四十年府同知張九一重修
謹案此卽劉累河隄

劉累河涵洞十二道在洛河東岸

南靈閘中靈閘北靈閘在雞澤縣西南雙塔村洛河
上又劉累河南靈閘北靈閘亦在雙塔村統名五靈

開永利閘在雞澤縣西北大韓固村

義利閘在永利閘北又北爲永順閘又北爲獲利閘
雙蓮頭閘又涵洞十三道在任縣東南雙頭村洛河
東岸

望馬臺閘在雙蓮頭閘北三里洛河西岸

象家寨涵洞二十三道在象家村洛河東岸

劉家莊涵洞二道在劉家莊洛河東岸

吳家莊涵洞二十六道在吳家莊洛河東岸

安上村涵洞二十七道在安上村洛河東岸

沙底河隄起自郡城西北二里瀛馬莊迄于城之西北隅長三百一十七丈二尺四寸高八尺又土隄四百四十丈八尺二寸接連石隄先是每年夏秋霖雨山水驟發由白馬河下郡城北適當其衝築土石隄以捍禦之建置之年無考乾隆三年知府朱鴻緒知縣劉燕雲領帑七百餘金重修倘遇傾圯撥九縣人夫公築

百泉河隄在郡城東南二十里之河會村隆乾二十
一年邢臺南和兩縣民公築凡四十三丈康熙五十
年百泉河南徙改永濟閘于河會村河水東北流至
此而南流隄爲頂冲水發屢壞閘不能固兩邑之民
均力脩築此隄以護閘

百泉閘在邢臺縣東十里百泉之中明宏治間建嘉
靖間知府劉應節知縣何岑重脩隆慶間知縣耿鴻
世萬厯間知縣吳龍光王大受

本朝順治間知縣朱襄相繼重脩

張紹先百泉開紀畧邢東南七里河南有源出焉
邢之人因名曰百泉築隄濬渠立百泉閘南爲鄭
家隄百泉之東立葫蘆套崇聖寺閘以漑泉之接
壤餘水入七里河河之左岸復立關家灣東注溥
濟永濟永利龍興等閘總名耳閘以漑泉之遠猶
足以及者順流而下循南和境而入于任縣大陸
澤

珍珠隄涵洞在百泉閘南一里明嘉靖間知府劉應節知縣何岑建

流珠隄涵洞在珍珠南一里明萬歷間知府劉應節知縣朱誥建

盛流閘俗名葫蘆套閘在百泉閘東北一里明萬歷間知府張延廷知縣郝持建

侯師顏盛流閘記畧百泉下流有葫蘆套若開一渠自馬泉東抵西樓下止里許卽達舊瓦河因而

下注可助百泉溉田

崇興閘在葫蘆套閘西北一里一名沫耳閘明建

永濟閘在崇興閘東一里明建

潘應相永濟閘記畧出邢南門折而東七里許華
家莊有泉二區隱隱在草澤間中多泉孔如百沸
廣袤相距里許其利源不減于百泉第其流散漫
罔蓄竟洩于七里河蓋以有用而棄于無用也邑
令朱公曰斯水大勢南注而分流不可爲用宜于

卷之六
西南低下處築隄高丈許長數丈許合二水而匯
爲一區則巨浸矣由是開閘引而北以資灌溉

小龍泉堰永濟閘東二里明萬厯間知縣朱誥建

黑龍潭閘小龍泉堰東南一里明萬厯間知縣郝特
朱誥相繼建

晉祠閘小龍閘北一里明隆慶間知府費堯年建

東利閘晉祠閘東北百餘步北利閘又在其西北數
步二閘上承晉祠閘爲小汪村朱田二莊黃家屯二

村分水處乾隆二十六年建

朱田二莊閘在北利閘北黃家屯閘又在其東數武
二閘上承北利閘爲朱家莊田家莊黃家屯三村分
水處乾隆一十六年建

順德府知府金文淳重修晉祠閘記畧七里河發
源邗之西山其伏流而竅出者爲泉不可勝數皆
在郡城東南隅晉祠村泉其一也泉凡三曰砌坡
曰明沙曰黑泉三源奇發漚爲一流明萬厯間于

泉左建閘曰晉祠閘開渠曰晉祠閘渠渠又分爲
二一東流里許專灌小汪村之地十餘頃一北流
六里分灌七里橋大黃家屯小黃家屯朱家莊田
家莊之地二十餘頃東流者如故北流者久湮尋
其舊迹令重開濬未一月渠成又虞一水兩流各
村爭用日久構訟復令于分流之處小汪村建
閘于東渠之首曰東利閘朱田大小黃北里橋建
一閘于北渠之首曰北利閘又于北渠之中分建

二閘一在朱田二莊之南一在大小黃家屯七里
橋之西閘設老人一名小甲十名又令公議分水
每月三輪每輪各以十日自初一日至初五日十
六日至二十日凡十日爲兩黃家屯用水之日自
初六日至初十日二十一日至二十五日爲朱田
二莊用水之日自十一日至十五日二十六日至
三十日爲小汪村用水之日設遇小建仍按三輪
每輪各減四時如小汪村用水則開東利閘閉北

利閘朱田大小黃七里橋用水則開北利閘閉東
利閘而朱田二莊與大小黃家屯七里橋用水之
例一准于此計東閘月開十日北閘月開二十日
朱田二莊閘與黃家屯七里橋閘又各月開十日
復恐兩渠用水泉或不給則令六村公濬三泉又
于晉祠閘加築一尺以蓄水勢皆用水之村通力
合作

溝頭泉閘晉祠閘東南半里許明建

大灘泉閘晉祠閘東南半里許

武家莊閘一名東小汪閘晉祠閘東一里餘明隆慶間知縣耿鳴世建

關家灣閘武家莊閘東南二里明萬厯間知縣王大受建

本朝乾隆二十七年知府金文淳重修

知府金文淳重修關灣河閘記畧關灣河者七里河支流也萬厯間知邢臺縣事王大受于其北岸

鑿渠引流而北北流二十里貫達活河又北流稍折而西逕北小呂村又東北流逕大色辛興鋪蘇家屯王家屯吳村李道楊村西大樹南大樹張家莊西孫彩孟家莊東孫彩又北流逕鐵爐村東大樹蓋宗村凡以灌十八村之地一萬六千八百畝其下流入于達活河以注于任縣之大陸澤長五十餘里當開河之始關家灣西有黑龍潭溝頭諸泉分支東流者凡十有五東汪村之渠二大賢村

袁家莊王麻村雙樓村之渠各一淨安之渠五六
雙樓石井祝村唐家庄之渠一吳城南小呂之渠
又北小呂之渠三分灌諸村之地十七渠東流而
關灣河北注縱橫交叉勢必截斷諸渠之流于是
爲騰橋之法斲石爲磴駕水東行十七渠行于上
而關灣流于下十七渠自西而東關灣河自南而
北一縱一橫兩不相妨矣又定爲每歲小修則十
七渠用水之村各自修葺大修則十八村協同公

築永禁欄河築壩專利之弊

東汪開闢家灣閘東二里明萬厯間知縣郝持朱誥
相繼建

普濟閘舊在東汪開東半里明崇禎七年重建

本朝順治五年復修雍正四年改建于東汪村北四里
大賢閘一名永利閘舊在大賢村西南三里明萬厯
間知府張延廷知縣張誥重修

本朝雍正間改建于村西南半里

永濟閘一名隆興閘舊在大賢村西南三里明隆慶間建

本朝雍正間改建于大賢村東

龍興閘一名重興閘在河會村一里與永濟閘並康熙間改建稍東名重興閘雍正初又改建于新永利閘東南二里

濟民閘卽均濟閘在舊龍興閘半里康熙五年改建稍南名永利閘雍正二年改建于重興閘數十步

廣潤閘舊在均利閘南元至正間知縣尹泰建明正
德間知縣劉章重修

救生閘在廣潤閘東南三里明建

均利閘今名永賴閘在南和縣西十二里之豆村西
北元至正間知縣尹泰建明正德間知縣劉章重修
均濟閘均利閘東南二里元至正間知縣尹泰建明
正德間知縣劉章重修

安民閘均濟閘東北一里明嘉靖間知府劉應節建

惠民閘安民閘東北一里元知縣尹泰建

均惠閘今名永濟閘惠民閘北一里元知縣尹泰建
明知縣劉章重脩

波漑閘均惠閘東北一里明知府劉應節建

廣漑閘波漑閘東北二里明知府劉應節建

通濟閘今名救濟閘廣濟閘北一里元知縣尹泰建
明知縣劉章重脩

通惠閘今名利民閘救濟閘北二里元知縣尹泰建

明知縣劉章重修

邵家閘通惠閘北一里明知府劉應節建

通利閘今名永利閘邵家閘北一里

普濟閘在沙河縣上河之東二里

永賴閘普潤閘東半里

謹案南和縣志作徐旺閘蓋以其近沙河縣之徐王村而

誤王爲旺也

泥溝閘普潤閘東一里

以上俱屬百泉河

甘寨間在任縣南六里甘寨村

郭村閘在甘寨閘東北七里

以上屬順水河

孔村閘在邢臺縣西北五里自達活河起至毛家小

小汪閘在邢臺縣一里又東一里爲翟村閘三里爲水磨閘俱在邢臺縣東俱明嘉靖中知府劉應節知縣何岑建

吳家莊閘在邢臺縣東八里明萬曆中知府王邦憲
建今廢

張村閘在水磨閘東北四里明隆慶中知府鄧楚望
建

小呂閘在張村閘東北一里明隆慶中知縣耿鳴世
建

蔡屯閘在小呂閘北半里雍正四年建

祝村閘在蔡屯閘東北四里又東五里爲河曲閘皆

明嘉靖中知府劉應節知縣何岑建

永固閘在任縣西南河頃村明建

恒利閘在任縣東北二里乾隆二年建

王家閘在任縣東北四里康熙五十年建

以上俱屬達活河

沙河隄

方輿紀要雞澤縣西南有沙河隄濶一丈長三十里

澧河隄在南和縣境內計長六十里高五六尺或七八尺寬倍之向例民築民修乾隆四年澧水決堤而田湮沒民田知縣周章煥請帑六千金以工代賑自王家莊至駱家莊共四十二里清河寬六丈深六尺培築兩岸河水暢流者三十年乾隆三十四年秋大雨潰決被淹復築完固

謹案入澤諸河在邢沙內三縣者如七里白馬沙底李陽柳村等河河身皆砂積河流或隱或見或

散失不可考大概無有隄埵自南和至任縣如達
活如百泉如順水如洛悉皆有隄概高五六尺濶
七八尺以至丈餘其長皆如河身皆民修民築無
官工順郡設河廳一員專司之每年行文飭查地
卽撥夫築治永雞二邑于沙洛河亦然

橋渡

北關橋一名通濟橋在郡城北門外沙底河甃石長三丈寬二丈高一丈二尺順治中重修

北門橋在郡城北門外甃石高七尺寬二丈六尺長一丈五尺跨護城河

西門橋一名廣濟橋在郡城西門外甃石高一丈寬二丈五尺長三丈八尺跨外河上又木橋一跨護城河

南門橋一名順城橋在郡城南門外甃石高一丈一尺寬二丈五尺長五丈跨外河上又木橋一跨護城河

東門外橋在郡城東門外甃石高八尺寬二丈七尺長八丈四尺

牛頭橋在郡城西南隅跨外河之南岸甃石高一丈四尺寬一丈七尺長四丈五尺乾隆二十八年重脩小江橋石橋在郡城西北三里之小汪村瓦礫泉水

入達活泉之路也

海會橋在郡城北五里爲南北孔道甃石橋三空高八尺寬二丈九尺長五丈二尺

鴛水橋石橋在海會橋北數十武亦往來孔道也

高莊橋在鴛水橋東六里高家莊南甃石高一丈五尺寬一丈五尺長五丈明建

先于橋在高莊橋東三里先于村南甃石高一丈五尺寬八尺長一丈六尺明萬厯中村人朱守津建

張村橋在先于橋東南二里南北張村之中甃石高一丈五尺寬一丈五尺長七丈宋元豐間建明萬厯中重修

小呂橋一名五龍橋在張村橋東三里南北二小呂村之中甃石高一丈寬一丈長二丈五尺明建

本朝康熙間重修

武家橋在小呂橋東三里武家莊南甃石高一丈寬一丈三尺長四丈明宏治中建

河曲橋在武家橋東七里河曲村南東卽任縣境矣
明建

河頭橋在任縣西十里之河頭村去河曲橋二里甃
石高一丈寬二丈五尺長二丈五尺明建

西留橋在河頭橋東北二里西留村北甃石高一丈
三尺寬一丈五尺長二丈五尺明建

王家橋在西留橋東北二里王家村北甃石高一丈
三尺寬一丈五尺長二丈五尺明建

李家橋在王家橋東北一里甃石高一丈六尺寬一丈六尺長三丈五尺明建

辛家橋在李家橋東北二里甃石高一丈四尺寬一丈五尺長二丈六尺明建

賀家橋在辛家橋東北二里甃石高一丈四尺寬一丈五尺長二丈六尺明建

三里橋在賀家橋東三里甃石高一丈七尺寬一丈六尺長二丈六尺明建

教場橋在三里橋東北二里其右爲教場斃石高一丈七尺寬二丈六尺長二丈六尺明建

吳家橋在教場橋東北二里西吳村北斃石高一丈五尺寬一丈六尺長二丈雍正中建

張家橋在吳家橋東北四里斃石高一丈四尺寬一丈五尺長一丈六尺康熙中建

福興橋在張家橋東北六里永福莊南斃石高一丈五尺寬一丈四尺長一丈六尺雍正中建

以上諸橋俱屬達活河

平渡橋石橋在七里河南一里爲康惠渠北流歸七里河之路乾隆二十四年建時未開渠以避道中積潦三十八年開渠渠尾卽由橋下注七里河

樓下橋有二一在邢臺縣東北八里後樓下村南名後樓下橋百泉河北支也一在前樓下村名前樓下橋百泉河南支也

孔村橋在後樓下村東二里孔村內百泉河北支也

武家橋在邢臺縣東十五里之武家村跨百泉河上
舊有石橋明宏治中建萬歷中重建

河郭橋一名百泉橋又名澧水橋爲南和達府孔道
在南和縣城四十里河郭村中石橋五空高一丈二
尺寬一丈五尺長十三丈明成化中建

大通路橋在河郭橋北八里小胡村東俗名小胡橋
石橋三空高一丈三尺寬一丈六尺長七丈明成化
中建

賈宋橋在大通橋北三里賈宋村東石橋五空高一丈五尺寬一丈五尺長七丈明建

五空橋在賈宋橋北三里爲南和任縣往來孔道石橋明建

大宋橋在任縣東十里之大宋村南至南和之五空橋亦十里一名十里橋石橋五空高一丈寬一丈六尺長三丈五尺明建

本朝雍正中重修

郭家橋在大宋橋東北三里郭村中石橋三空高一丈三尺寬一丈二尺長二丈五尺乾隆三年建

臺南橋在郭家橋東北五里石橋一空高一丈寬一丈五尺高二丈明建

王家橋在臺南橋東南三里木橋三空雍正十三年建

以上俱屬百泉河

宗義橋一名南韓橋在南和城南二里爲廣平大名

二府孔道斃石高一丈三尺寬一丈九尺長十四丈
明萬歷十三年縣民李宗義建

承先橋一名草橋在宗義橋東北架木高一丈二尺
寬一丈八尺長九尺明建

永濟橋在承先橋東北十里任城西斃石高一丈寬
一丈六尺長五尺明建

焦村橋在永濟橋北五里焦村架木輦土其上高一
丈寬一丈八尺長七丈明建

廣濟橋在焦村橋北十里甃石高一丈寬一丈五尺
長二丈明建

謹案此橋在焦村樊家屯之間志以爲在東三趙
者誤

跨虹橋在廣濟村北小高村西甃石高九尺寬一丈
六尺長六丈明建

朱家橋在跨虹橋北架木輦土其上高一丈寬一丈
六尺長六丈明建

五空橋在任縣東二十里南至朱家橋八里石橋五
空高一丈二尺寬一丈五尺長五丈乾隆八年建
張家橋在王家橋北八里石橋七空高一丈寬一丈
五尺長四丈

以上俱屬澧河

黃寺橋在邢臺縣西四十里黃寺村白馬河上石橋
明建

沙河渡在永年縣北四十里

惠民橋在雞澤縣西北韓固營又北爲永濟橋又北爲普濟橋又北爲便道橋又北爲通濟橋

永善橋在南和縣東南之宋家莊架木輦土其上高八尺寬一丈四尺長五丈雍正中建

便橋在永善橋北甃石高一丈八尺寬六丈明建

普濟橋在便橋北架木輦土其上高八尺寬一丈一尺長七丈明建

徐家橋在普濟橋北甃石高一丈寬一丈五尺長七

丈乾隆二十四年重建

程家橋在徐家橋北架木輦土其上高一丈寬一丈五尺長九丈明建

梁家橋在程家橋北架木輦土其上高一丈六尺寬一丈五尺長二丈五尺明建

南郝橋北郝橋在梁家橋北郝村東南爲石橋北爲木橋明建

寧遠橋在任縣東南三十里甃石高一丈寬一丈五

尺長一丈八尺康熙中建

廣濟橋在寧遠橋北二里石橋一空高一丈六尺寬一丈五尺長一丈八尺康熙中建

焦家橋在廣濟橋北三里甃石高二丈寬一丈五尺長一丈八尺康熙中建

以上俱屬沙河

洛河橋石橋在永年縣北五十里高寨

洛河渡在永年縣北二十里

通固橋石橋在雞澤縣北五里大韓固

通濟橋在通固橋北

遇仙橋一名田家橋在通濟橋北

接路橋架木輦土其上在雞澤縣西南三十里

濟衆橋在接路橋北五里架木輦土其上

善友橋一名通濟橋在南和縣東三十里善友村石

橋一空高一丈一尺寬二丈長五丈四尺明宏治間

建

康濟橋在善友橋北架木輦土其上高一丈寬一丈四尺長四丈八尺順治十七年建

蘇家橋一名通魯橋在廣濟橋北蘇家莊東架木輦土其上高一丈寬一丈長四丈三尺明建

史召橋在蘇家橋北史召村架木輦土其上高一丈寬一丈五尺長四丈五尺

高村橋在史召橋北高村西甃石高一丈寬一丈七尺長四丈六尺康熙四十八年建

百泉橋在任縣南三十二里木橋一空高一丈三尺
寬一丈二尺長一丈五尺康熙中建

謝家橋在百泉橋北四里木橋三空高一丈寬一丈
一尺長一丈五尺康熙中建

普立橋在謝家橋北四里木橋三空高一丈寬一丈
三尺長一丈五尺康熙中建

安上橋在普立橋北十一里木橋三空高一丈寬一
丈長一丈五尺康熙中建

以上俱屬洛河

漚池橋在雞澤縣北三十里

落西口橋在漚池橋北十里

落漠橋石橋在平鄉縣西十里

胡家橋在南和縣東南張村架木輦土其上高九尺
寬一丈二尺長二丈五尺

史家橋在胡家橋北高七尺寬一丈二尺長二丈六
尺乾隆十三年重修

高家橋在史家橋北架木輦土其上高八尺寬一丈五尺長三丈乾隆八年重修

胡佃橋在高家橋北架木輦土其上高九尺寬一丈二尺長三丈三尺

白家橋在胡佃橋北高九尺寬一丈一尺長二丈六尺

博濟橋一名果寨橋在白家橋北架木輦土其上高八尺寬一丈六尺長三丈四尺雍正十三年重修

東林橋在博濟橋北架木輦土其上高一丈五尺長四丈六尺明萬歷間建

史召東橋在東林橋北史召村東架木輦土其上高九尺寬一丈四尺長四丈六尺

南高橋北高橋在史召橋北南北二高村之中皆架木輦土其上一在高村東高八尺寬一丈四尺長三丈三尺一在高村西高一丈寬一丈三尺長六丈三尺

孟家橋在任縣東南雙蓮頭村木橋三空高一丈二尺寬一丈長二丈雍正中建

雙蓮頭橋在孟家橋北五里木橋三空高一丈一尺寬一丈三尺長二丈雍正中建

劉累村小橋在雙蓮頭小橋北五里木橋三空高一丈一尺寬一丈五尺長二丈雍正中建

以上俱屬劉累河

李家橋在任縣南六里石橋一空康熙中建

王家橋在李家橋東北二里石橋一空康熙中建

霍家橋在王家橋東北二里石橋一空乾隆二年建

賈家橋在霍家橋東北二里石橋一空乾隆九年建

以上俱屬順水河

蔡河橋在任縣西北二十里張霍村東幾石高六尺
寬一丈一尺長三丈康熙十六年建

邢家橋石橋在任縣西北十五里聖母廟東二里雍

正十三年建

賈家橋石橋在邢家橋東一里高九尺寬一丈一尺
長一丈六尺雍正十年建

劉家橋石橋在賈家橋東二里高一丈寬一丈一尺
長一丈六尺雍正十一年建

高家橋石橋在劉家橋東二里高一丈寬一丈二尺
長一丈三尺雍正十一年建

大路橋石橋在高家橋東四里高一丈三尺寬一丈
三尺長一丈六尺明建

馬河橋石橋在大路橋東八里高一丈寬一丈五尺
長一丈六尺明建

以上俱屬聖水河

孔龍橋在內邱縣西五十里甃石高一丈八尺寬一
丈七尺長四丈五尺

四楊橋在內邱縣南十七里南北孔道其地窪下爲
驛路漑水所歸甃石高一丈三尺寬一丈五尺長三
丈橋下開渠引水明萬歷間建崇禎間重修

大以止俱屬小馬河

澤畔橋一名女兒橋石橋在唐山縣西六里明建

南樓橋一名大石橋亦名馬河橋在唐山縣治南十

二里三空高二丈寬一丈三尺長六丈明嘉靖十二

年建

新石橋一名小石橋又名利民橋在南樓橋東南四

里高五尺寬一丈二尺長二丈五尺康熙六年建

永濟橋在唐山縣東南二十五里牛羊二村之北甃

石高一丈寬一丈長五丈明嘉靖中建

以上俱屬李陽河

義濟橋一名北七里橋在內邱縣北七里石橋明建
仁濟橋一名南七里橋在內邱縣內七里磬石高一
丈二尺寬一丈五尺長三次明萬歷十六年建

靈橋在邢臺縣西南磬石高九尺寬一丈八尺長三
丈五尺順治中建

廣濟橋在郡城南關外石橋三空高一丈寬二丈長

四丈

以上二橋俱屬馬蓮溝

善人橋在邢臺縣東門外洩水溝甃石高七尺寬一丈八尺長二丈五尺明建

袁家莊橋在邢臺縣東十五里之袁家店邢臺南和通衢也石橋明萬歷中建

武村橋在袁家店橋北邢臺平鄉通衢也石橋明萬歷中建

大邑村橋在吳村邢臺任縣通衢也石橋明萬歷
中建

東大樹橋在李道村東北邢臺赴隆平大道也石橋
明萬歷中建

李道村橋在大邑橋邢臺任縣通衢也石橋明萬歷
中建

以上俱屬關灣河

永便橋在唐山縣西南十里磬石高九尺寬一丈一

尺長二丈乾隆十八年建

新石橋永便橋西北二里礐石高五尺寬一丈長二丈五尺乾隆二十四年建

以上俱屬南北溝

蓮雨橋在南和北白佛村礐石高六尺寬一丈三尺長三丈順治二年建

此屬南和縣通間渠

又上橋在南和縣之岡上村架木輦土其上高一丈

寬一丈六尺長十二丈

此屬南和縣均濟閘渠

北辛橋主任孫東北四十里程家口架木輦土其上
高一丈四尺寬一丈五尺長八丈雍正中建

此屬北灤河

詳案邢臺縣野河舊有張公橋方輿紀要在府西
北舊爲孔道唐末李克用爭河北每出靑山口必
經張公橋然後至邢洺諸州天祐三年梁將葛從

周敗晉兵于沙河追至張公橋五代乾化四年晉
王存勗攻邢州至張公橋是也胡三省通鑑註張
公橋在邢州龍岡縣界沙河縣在邢州南二十五
里蓋橋跨沙河之上今不可考矣又南和縣北五
里東韓村中有隋碑澧水西橋記巍然猶存而橋
已不知何在蓋河流之遷徙久矣又舊邢臺縣志
舊時引達活泉水入城周流街市城中有板石橋
二今水久不通橋亦湮廢又云府治東三賢祠卽

板橋故處此二橋名已不傳又舊府志沙河縣石
橋三一搭連店一新城一上莊村今其名亦不傳
橋亦久廢

祠廟

鴛水廟在邢臺縣南關東隅廟前有鴛水井

謹案百泉河有鴛鴦水之名此祠當卽祀鴛水之神
神府志縣志載爲鴛水祁王蓋世俗無稽之說也
百泉龍王廟在邢臺縣東南十二里百泉東北隅祀
百泉河神歲以六月十日致祭

廣源廟在邢臺縣西北八里達活泉上元至正中建
以祀達活泉神明萬厯十八年順德知府張延廷邢

臺知縣朱誥移建泉南

本朝康熙五十六年邢臺知縣李大棟楊文魁移建泉
北

謹案元都總管宋乃餘撰建祠記邢州城隅西北
不三里有龍神祠佛圖澄嘗爲石勒祈雨于此致
和甲午日春不雨至于五月遂築壇于壇側前期
執事者宿于祠下中夜聞水心啞然而笑若婦人
女子之聲壬寅致祭癸卯甘雨滂沛是歲遂大有

年州以事陳陽廟廣源明毛副使本撰重修碑記
亦載此事作宋政和甲午誤也

河伯祠在邢臺縣北關豫讓橋側祀達活河神

謹案順德府作河北祠謫伯爲北

黑龍廟在邢臺縣東南十里黑龍泉上祀黑龍泉神
晉祠龍王廟在邢臺縣東南十里晉祠間東北隅祀
明沙清頭砌坡三泉之神

玉泉龍神廟在邢臺縣西北四十里馬鞍山下玉泉

水所出也

九龍廟在沙河縣

沙河縣志九龍廟在赫山歲五月朔本府詣祭有
御史某奏言沙邑赫山龍王廟屢致靈顯禱雨輒
應

上特發帑金五十兩遣侍衛至沙河繕新廟貌以答庥嘉此
乾隆癸亥春中事也

溫泉寺在沙河縣東北之湯山宋太平興國年建

漆泉寺在沙河縣廣陽山唐貞觀年建

澧水神廟在南和縣治西大街北南爲樂歲亭明宏治十三年知縣朱銳建以祀澧河神

清泉寺在南和縣東十五里葭里村以寺後有泉因以得名金大定二年建

鎮洛觀音寺在南和縣東三十里洛河通濟橋東

聖水井庵在任縣北二十里仁里村康熙八年重修

〔知縣李芷重修聖水井廟記〕畧任邑城北二十里

許廣漠之中有聖水井莫考所自始井欄鐫大德
六年屈指三朝歷年四百泉冽而甘四時不竭相
傳歲旱誠禱則霖雨立降以是建宇立祠明宏治
壬子邑令徐公恭重建而後復百有六十餘載黃
冠何太寶募願甫興諸方夢應聚微成鉅規度一

新

水利

邢臺縣任縣達活河水利十三閘

孔村閘自達活泉起至毛家小汪止渠濶一丈長

二里灌南大汪北大汪孟小汪營頭村白塔村胡

家莊朱家莊地四頃十一畝

康熙五十八年建

小汪閘渠

濶五尺長一里灌小汪村宋家莊地十餘畝翟村

閘自翟村起至界家屯止渠濶一丈長六里灌翟

村譚家屯界家屯地十餘頃水磨閘自白坎村至

先于村止渠濶三丈長三里灌田十五頃

皆明嘉靖中知

府劉應節知縣何岑建

吳家莊閘自張村起至小呂村止渠

濶一丈長一里灌田十二頃

明萬曆中知府王邦憲建

張村閘

自吳家村莊起至祝村止渠濶一丈長七里灌田

七十餘頃

明隆慶間知府鄧楚望建

小呂閘自達活泉起至大

呂村止渠濶一丈長六里灌大呂小呂地三頃餘

明隆慶間知縣耿鳴世建

蔡屯閘自達活泉起至蔡家屯止渠

濶一丈長三里灌蔡家屯地三頃餘

雍正四年建

祝村

開自小呂村起至河曲村止渠濶一丈長五里灌

田六頃餘河曲開自祝村起至鐵爐村止渠濶八

尺長三里灌田四頃餘

皆明嘉靖中知府劉應節知縣何岑建以上皆在

邢永固開自河頭村起至大宋村止渠濶六尺長

十六里灌田十頃八十三畝

明建恒利開自河頭村

起至西留村止渠濶六尺長三里灌田十二頃

乾隆

二年建王家莊開自王家莊起至西章固止渠濶六

尺長六里灌田四頃三十二畝

康熙五十年建以上皆在任縣

刑臺沙河南和任縣百泉河水利三十三閘

百泉閘自樓下村起至沙河縣徐王村止渠濶一丈長八里灌樓下村孔橋北屋南市等八村地二十五頃珍珠隄石洞自百泉村起至樓下村止灌田二十餘頃流珠隄石洞會珍珠隄水自前樓下村起至後樓下村止灌田五十餘頃盛流閘自馬場東西樓下村起至徐王村止渠濶一丈長十二里灌田六十餘頃崇興閘自百泉河起至沙河縣

徐王村止渠濶一丈長七里灌孔橋王快東市西
市南市屯徐王等七村共地一百五十餘頃永澤
間自帽兒泉起至梁家莊止渠濶三丈長七里引
帽兒泉灌晉祠王家莊張家莊梁家莊黃家屯王
村地十頃餘小龍泉堰渠濶五尺長二里引小龍
泉水灌田十餘頃黑龍泉開自東靜安村起至南
呂村止渠濶一丈長十五里又東岸開溝九道橫
引本潭水灌東靜安祝村吳稱村南小呂村地四

斗餘頃溝頭泉間自東汪村起至雙樓村止渠濶

一丈長五里又東岸開溝六道引本泉水灌東汪

村大賢村袁家店雙樓村地二十餘頃

明建

明沙泉

間自晉祠村起至朱家莊止渠濶一丈長六里引

本泉水灌朱家莊地十頃田家莊地三頃餘大黃

村屯小黃村屯地五頃餘七里橋地二頃餘

乾隆二十

六年知府金文淳重開詳隄防卷

晉祠間自銀沙泉起至小汪村

止渠濶一丈長一里引晉祠泉水灌小汪村地九

頃八十畝武家莊開引溝頭泉水分東西二渠東

自小汪村起至雙路止濶七尺長六里西自黃家

屯起至朱村止濶七尺長四里灌田一十八頃

以上

俱在百泉河南土人謂之上閘上板蓄水積滿閘渠流轉出閘灌溉既足然後去板使水仍歸于百

泉河關家灣閘又名申公閘自七里河起至蓋家村

止渠濶二丈長五十里引七里河水灌祝村北小

呂大邑辛興鋪蘇家屯王家屯吳村李道村東楊

村西大樹南大樹張家莊西孫彩東孫彩鐵鑪村

孟家莊東大樹南蓋宗十八村地二百八十頃餘
沿橋大小石橋七十二座東汪閘自東汪村起至
河曲村止渠濶一丈五尺長十里灌張家屯石井
後石井小屯相家屯唐家庄等五村地六十餘頃
普濟閘自東汪村起至唐家庄止渠濶八尺長十
三里灌張家屯石井後石井小屯相家屯唐家庄
地六十餘頃大賢閘自大賢鋪起至河曲村止渠
濶四丈長二十里灌田十三村三十頃永濟閘自

景家屯起至小胡村止渠濶一丈長十里灌景家
屯李兒莊小李兒莊樊家屯吳家屯等村地五十
餘頃隆興開一名重興閘自河會起至南和縣井
家莊止渠濶一丈長七里灌南和縣南李莊楊家
屯等村十餘頃康熙初
重建廣潤閘自河會村起至南
和縣豆村止渠濶一丈長三里救生閘自河會村
起至南和縣南豆村止渠濶一丈長三里灌南豆
村北豆村康家莊河郭村地十九頃明建
以上
俱在那臺縣

境土人謂之下閘開閘之口使河水暢洩田永賴
畝灌漑既足則閉之其餘諸閘皆同此法

閘舊名均利閘在南和縣西灌張香村岡頭村鄭
家莊西里村地十九頃均濟閘自岡頭村灌岡頭
村河郭村孔村臺村地三十頃安民閘自郝家莊
起至西臺村止准郝家莊河郭村西臺村地三十
頃惠民閘灌河郭村馬莊西臺村裴家莊三官店
沙道村棗林村七村地四十頃均惠閘灌河郭村
馬莊西韓村東韓村西辛寨三官店東辛寨七村

地五十頃波漑閘灌河郭村地七頃廣漑閘灌河
郭村于家莊西韓村劉家莊地十九頃通濟閘灌
小胡村薛家屯賈宋村地十五頃七十畝通惠閘
灌張村南師村邵寧村田三十頃邵家閘灌李家
莊小寺村武家莊地三十六頃通利閘自賈宋村
起至白佛莊止灌王家莊李家莊齊家莊北師村
駱駝牧白佛莊六村地五十頃普潤閘卽邢臺縣
盛流閘渠之下流渠長七里灌沙河縣之呀呼善

下等村民田十餘頃水賴閘卽邢臺縣之永賴閘
渠渠長七里灌沙河縣西徐王前徐王等村民田
十餘頃泥溝閘在永賴閘河之東卽邢臺縣崇興
閘渠之下流渠長二里灌沙河縣之東徐王西徐
王等村民田十餘頃

以上皆在沙河縣境

〔南和縣舊志〕百

泉河自入南和縣界舊于豆村西南建閘三座河
郭村西北建閘六座西韓村北建閘五座三張村
西建閘二座共閘十六座共灌水田八十五頃五

十六畝旱田三百七十五頃

謹案今聞多廢卷中所載止得其半

沙河縣志沙邑地瘠土鬆不宜稷稻府志載沙河水利北九家村營治稻田一頃一十六畝四分六釐北祝村營治稻田一頃三畝八分二釐一毫大村營治稻田五十六畝五分一釐趙村營治稻田一頃一十八畝三分徐王村營治稻田一頃一十畝四分二釐共營治稻田五頃五分一釐一毫始于雍正五六年間數年之後水涸復改爲旱田今

考旱田亦必資乎水者故縣東南皆藉數河之利以資灌溉一營治稻田則上流之水必用閘以司啟閉無論水勢微弱下流不能仰涓滴之利卽當水盛之候亦止計爲蓄瀦以供種稻之用而諸村旱田未有能分其餘潤矣故營治稻田斷不宜于沙邑者也

任縣順水河水利二閘

甘寨閘灌本村地一頃二十畝郭村閘灌本村地

八十二畝

南和任縣澧河水利

謹案澧河之在二縣境爲利甚溥並無閘座涵洞
民間穴隄引水曲折畝畝村村有之以大木空其
心橫貫其內穴河兩岸沿隄爲溝水由木心分達
諸溝塍謂之桶引水足則去桶塞穴隄岸依然穴
無常處桶無定數不可悉數他河亦多似此者如
百泉河關家灣閘碑記所云南和縣開閘十六任

縣開桶百道是也洛河劉累之在南和縣者亦多
類此

雞澤任縣洛河水利九閘七涵洞

南靈閘中靈閘北靈閘在雞澤縣境西南雙塔村
合劉累河二閘爲五靈閘共灌地百四十頃乾隆
九年知縣李世基開永和閘在縣西北大韓固澆
地十頃一十畝乾隆十四年知縣王光燮開義利
閘在縣北小韓固澆地五頃二十畝乾隆十二年

知縣王光燮開永順開既地十二頃五十畝亦乾隆十六年知縣王光燮開獲利開在縣北沙陽村溉地八頃三十畝雍正十二年開雙蓮頭開在任縣東南灌田一百十七頃涵洞一分十三道溉地二十五畝望馬營開灌田一百三十三頃二十畝劉累村涵洞一分十二道溉地四頃六十畝象家寨涵洞一分二十三道溉地二十八頃三十畝劉家莊涵洞一分二道溉地六頃二十畝吳家莊涵

洞一分二十六道溉地三十一頃三十畝安上村
涵洞一分二十七道溉地二十三頃五十畝

沙河縣狼溝河水利

灌北俎村南俎村六方村晉村北陽村段村六村
地二十餘頃

沙河縣小澧河水利

灌北俎村潘家莊趙村薛家莊青界村善下村六
村地二十餘頃

沙河縣洛泉河水利

灌大村北留二村地四頃餘

邢臺縣營田樓下孔橋北屋王快南市東市大賢石
井祝村張家屯景家屯趙家麻村郝家麻村王家麻
村河會武家莊東靜安西靜安唐家莊東唐家張村
吳稱東汪任家麻村大廠孫家莊南大汪北大汪朱
家莊孟家莊袁家莊白塔胡家莊林家莊西小汪東
小汪翟村郭家莊康莊舖凡四十村舊有稻田四十

二頃一十七畝五分雍正四年開田八十六頃九十六畝共計稻田一百二十九頃一十三畝皆取資百泉達活二河之水

沙河縣營田北九家北組大村趙村徐王凡五村雍正五六年間共營稻田五頃五畝五分皆取資百泉小澧二河之水今廢

南和縣營田南豆村河頭郭薛家屯張相東賈郭凡五村舊有稻田七十三頃一十三畝雍正五六年間

共營稻田八十三頃五十五畝共計稻田一百五十八頃七十八畝餘皆取資百泉河水

任縣營田達家莊牛心寨西張北張大北張等村雍正五六年間共營稻田一百二頃四畝餘今廢

謹案順郡各邑之水利鉅鹿本以大陸澤得名而
今大陸澤惟任縣一泓在鉅鹿盡成平陸廣宗縣
舊有沙河洺漳諸河今皆湮廢平鄉境內惟滏陽
一河足資灌溉唐山內邱水道無多溢涸不常皆

無可資之水利惟邢臺之白泉水南則支流及乎沙邑東則正流遡乎南邑達活水自邢達任而澧沙洺劉累諸水又自南和縣入于任縣沙水盈虛靡定爲利甚薄百泉達活水性豐腴澧洺尤厚溢性較洺爲薄土人有窮河之稱而資以灌溉其利甚溥劉累爲溢支流亦與同利此數水者順德之邢臺沙河南和任縣廣平之永年邯鄲雞澤均利賴焉邢地高而南任卑百泉之水邢用十之二南

任十之八前明時卽有南七任八之議沙河縣志
謂百泉支流入沙者沙沾其利十分之一九皆歸
南故營田之制獨不利於沙地順德府志又謂任
縣大陸澤衆水所潞興利轉難南沙任三邑營田
今皆改爲旱田其說似信有徵矣然元郭守敬濬
治澧河復民田一千三百頃守敬又謂磁州東北
滏漳合流處引水出滏陽邯鄲洺州永年下經雞
澤合入澧河可灌田三千餘頃不知此四千餘頃

之地皆旱田耶抑水田耶豈有衆水所滙而反不
得水之利者考舊府志任縣永惠閘在縣城東南凡
八十七處俱有渠引百泉河水接南和縣境由賈
宋村起經大宋村郭村至甘寨村止灌田五十
頃則前事之徵也府志又謂昔年邢邑稻田不下
萬頃考邢臺之水惟野河爲大而經流萬山之中
南入沙河縣界山田磽确潤亦薄收下流遠去更
難資用明矣七里白馬皆伏流于西故邢之稻田

惟東南一隅皆資百泉達活二水達活大止數畝
百泉較大五倍耳又安足以供萬頃稻田之用耶
况考賦役全書邢臺縣徵糧中地七千四百二十
頃七十四畝有奇合之止一萬四千六百二十二
頃六十畝耳而稻田乃均三分之二其言殊爲鑿
空 又案明史河渠志邢臺達活野狐二泉流爲
牛尾河百泉流爲澧河建二十一閘灌田五百餘
頃今考牛尾澧二河自邢臺沙河南和任縣共建

四十六閘灌田千一百六十餘頃河渠志言之僅
得其半水利之日興今更盛于古矣然篇中所紀
諸閘近數十年頗多衝塌修而復之灌漑之利無
窮焉